^{24.} Id quod iam antea eius desiderium fuerat, postquam Umae mammae provenerant adauctum, Mena filiae suae aegre fecit sollemnium nuptialium notam.

^{25.} Oculisque lacrimis suffusis ligavit sollemnem armillam laneam, alieno loco collocatam, atque nutricis digitis in iustum locum reductam.

^{26.} Velut oceani lactei litus spumae copia tectum, veluti nox autumalis plena luna collustrata, ita illa novis vestibus induta quamplurimum splendebat, novum speculum tenens.

^{27.} Postquam mater illam, stirpis suae adminiculum, honoratos familiae deos adorare fecisset, iubendi gnara iussit eam, castarum mulierum pedes ordine amplecti.

^{28. &}quot;Indivisum adipiscere mariti amorem!" Ita illae inclinatam allocutae sunt; ipsa vero, dimidio illius corpore potita, propinquorum benedictiones etiam pone reliquit.